

日涉編

楚應城陳

皆升也甫

編輯

邑人徐養量叔弘甫校刻

饒可久無缺甫

周光曙楸將甫

弟陳 堃清也甫全閱

十二月

十二月建丑丑紐也言終始之際故以紐結名也

合璧
事類

日涉編

卷二

一前

大呂丑之氣也十二月建焉禮周

日在婺女昏婁中旦氐中禮記

夏曰嘉平殷曰清祀周曰大蜡漢改為臘風俗通

星迴歲終陰陽已交前漢書

地以為正商以為春後陳寵傳

季冬行春令則胎夭多傷國多逆氣行夏令則水

消雪無春來多疫行秋令則白露降四民災昌氏春秋

為涂爾雅

曰季冬亦曰暮冬梁元帝纂要

小歲魏舊制群臣季冬朝賀服袴褶行事謂之小歲詔罷之出通鑑

卒歲白孔六帖

月歸淮南子曰天圓地方道在中央日為德月為刑月歸而萬物死日至而萬物生注云月歸謂十二月盡也日至謂得春夏之日至

村民臘日擊細腰鼓而宴戴胡頭及作金剛刀以

逐疫諺曰膺鼓鳴春草生荆楚歲時記

歲暮臘埋圓石于宅隅雜以桃核七枚則無鬼疫

淮南萬畢術

蜀風俗每歲冬春之交於兩渠中可以流觴官吏

士庶宴賞

有篆水在廣安州江中灘石縱橫湍沈奔急呼為三十六灘其間有兩渠冬春之交宴賞出

順慶府志

天西北裂有光如火

梁武帝太清三年

天開自西北至東南其內有青黃雜色隆隆若雷

聲

陳後主至德元年夜以上南史

日有影如三日狀占在危宿幽州之野

真宗景德元年時契

丹舉兵壓境出宋史

濃霜着屋瓦皆成百花之狀

天聖中青州筆談

雷雨雹大如馬頭

武帝元封三年漢紀

天雨黑水盈川

淳熙十一年戊午夜畿縣新城深浦通考

天雨黃土

治平元年宋史

河東天雨肉

愍帝建興元年後劉石擁兵帝竟沒遇害墨子曰殷紂滅年天雨肉晉書

冰有文如畫佳卉茂木華葉相敷變態竒出春暄

乃止

紹興七年十二月時張宗元出撫淮西軍寓建康繁水有文出宋史

黃河是月水名蹙凌水

水衡記與十一月同

樂平縣河衝里田隴數十百頃田中水類為物所

吸聚為一直行高平地數尺不假隄防而水自行

里南程氏家井水溢亦高數尺天橋如長虹聲如

雷穿墻毀樓二水闢于杉墩且前且却約十刻乃

解各復故高宗紹興十四年閏十二月宋史五行志

滄州地震湧出沙泥般板胡桃螺蚌之屬熙寧元年宋史

石泉軍地震三日有聲如雷屋瓦皆落時綿竹有

冤獄乾道四年宋史

有赤物墮於太極殿前初下鍾皆鳴俄而國亡陳後

主至德二年南史

樞有聲如牛僖公三十二年十二月晉文公卒殞于曲沃出絳樞有聲如牛劉向以為

近鼓妖也喪凶事聲牛怒象也如將有急怒之謀以生兵革之禍時秦穆公遣兵襲鄭晉要之峭隄

以敗其師晉不惟舊而聽虐謀結怨強國四被秦寇禍流數世凶惡之效也出左傳

澧州獻瑞木有文曰太平之道慶曆三年

元氏縣王寘屋柱槐木再生枝葉高四十餘丈政和

四年以上宋史五行志

群鳥夜集於太行山上五行志亦出白孔六帖

鳳凰見上黨高都是月又見河南山陽晉武帝泰始元年

鳳凰集上林漢宣帝神爵四年以上宋書符瑞志

陝州有雉二首向背而連頸者棲集倉廡群雉數

百來鬪殺之光啓元年唐五行志

白象見零陵又見安成

文帝元嘉二年
宋書符瑞志

二龍戲於館門之外

太宗生於武功之別館時有
二龍戲於館門之外三日而

去舊
唐書

詩

江南季冬天紅蟹大如鰻湖水龍為鏡鑪峰氣作

烟

丘丹狀江
南十二月

芝蘭種不榮荆棘剪不去二者無奈何徘徊歲將

暮

邵子
吟

亂飄僧舍茶煙濕密灑歌樓酒力微江上晚來堪

畫處漁人披得一蓑歸

鄭谷雪
中偶題

風卷長空暮雪晴江烟先洗柳條輕簷前數片無

人掃又得書窓一夜明

戎昱
齊雪

寒花帶雪滿山腰着柳冰珠滿碧條天色漸明回

一望玉塵隨馬渡藍橋

元稹
西歸

簾外寒江千里色林中尊酒七人期寧知臘日龍

沙會却勝重陽落帽時

權德輿臘
日龍沙會

宴宿春闈歲欲除嚴風密雪絕雙魚思君獨步西

垣裡日日含香草詔書

權德輿貢院對
雪寄崔閣老

落雪臨風不厭看，更多還恐菽林巒。愁人正在書
窓下，一片飛來一片寒。僧清江微雪

新陽氣候未全佳，尚縱寒威壓歲華。賴有椒觴供
卯酒，不妨和雪看梅花。韓子蒼

起來呵手畫雙鴉，醉臉輕勻襯眼霞。真態生香誰
畫得，玉釵纖手嗅梅花。東坡

日脚淡光紅灑灑，薄霜不銷桂枝下。依稀和氣排

冬嚴已就長日辭長夜

李賀樂詞

金吾除夜進儺名，畫袴朱衣四隊行。院院燒燈如

白日沉香火裏坐吹笙

王建宮詞

閏曆先春破臘寒，綵花金勝寵千官。冰從太液池
邊動，柳向靈和殿裏看。瑞氣因風飄禁仗，暖暉依

日上仙盤，須知聖運隨生殖。萬國年年共此懽

宋郊

閏十二月望日禁中作

日躔星紀大呂司，辰亥象改次庶衆更新歲。事告
成八蜡報勤裴秀

小寒

冬至後十五日斗指癸為小寒，陽極陰生，乃為寒

今月初寒尚少也

孝經

小寒為節者亦形於大寒故謂之小言時寒氣猶

未極也

詩含神露

小寒月之初氣也陰氣未極故曰小寒

曆義

合凍蒼陽雲出氐

易通卦驗

小寒日鴈北鄉

後

五日野鷄

始

鵲始

巢

後

五日

小寒鴈北鄉鴈不北鄉即臣不懷君鵲始巢鵲不

巢即邊方不寧

又曰一國不寧

野雞始雉野鷄不雉即國

乃大水

周書詩訓

將帥講武習射御角力

備田獵也

乃教田獵以習武戎班馬政乃禘百神於南郊為

來年祈福於天宗天宗日月星辰之屬

以上月令

大寒

小寒後十五日斗指丑為大寒至此栗烈極也

孝經

緯

大寒在冬至後二氣積寒而未溫也

天文錄

大寒者上形於小寒故謂之大十一月一陽爻初

起至此始徹陰氣出地方盡寒氣併在上寒氣之

逆極故謂大寒 詩含 神露

大寒月之中氣言十二月己半陰氣大極故曰大

寒 曆義 疏

冬至陽始起反大寒何也陰氣推而上故大寒 白虎

通

降雪黑陽雲出心 易通 卦驗

大寒日鷄始乳中氣也 後五日鷄鳥屬疾後五日水澤腹堅陳氏曰冰之初

疑水面而已至此則微上下皆疑故云腹堅腹猶內也月令

大寒鷄始乳鷄不乳即淫婦亂男鷄鳥屬疾鳥不

屬疾即國不除奸水澤腹堅不腹堅即言無所後

周書 時訓

立土牛六頭於國郡縣城外丑地送大寒 曆志

始漁天子親往嘗魚先薦寢廟

冰方盛命取而藏之

飭國典論時令以待來歲之宜 正月懸法象魏故於此與公卿先飭

之以上 月令

日涉編卷之十二終

日涉編

楚應城陳 皆升也甫編輯

邑人徐養量叔弘甫校刻

饒可久無缺甫

周光曙琳將甫

弟陳 旋清也甫全閱

十二月

一日

殷建丑以十二月朔為歲殷



天裂西南

順帝至正巳酉年元史

墳星熒惑辰星合于南斗

宋孝武帝孝建三年占日改立王公出南齊書

天文志

太甲惟三祀十有二月朔以冕服奉嗣王歸于亳

書出

德宗貶中書侍郎平章事陸贄為太子賓客

貞元十年

後又貶為中州別駕出舊唐書

宋太宗大雨雪喜御玉華殿詔宰臣及近臣謂曰

春夏以來未嘗飲酒今得此嘉雪思與卿等同醉

又出御製雪詩令侍臣屬和

雍熙二年玉海

眉州布衣蘇洵是日上書曰翰林學士歐陽修奏

臣所著權書衡論幾策二十二篇乞賜甄錄陛下

過聽召臣赴闕臣本田野匹夫名姓不登于州閭

今一旦卒然被召臣不幸有負薪之疾不能奔走

道路以副陛下搜揚之心憂惶負罪無所容處

宋仁

宗嘉祐三年出文編

遣中使帥僧衆迎佛指骨

憲宗元和十三年功德使上言鳳翔法門寺塔

有佛指骨相傳三十年一開開則歲豐人安未歲應開請迎之至十二月一日上遣中使帥僧衆迎

唐書

婆斯國人庶以上各相命召設會作樂以極懽娛

婆斯國百姓女年十歲以上有姿貌者王收養之

有功勛人即以分賜死者多棄屍於山以喪葬之

事號為不爭以六月為歲首至十二月

一日人庶以上設會作樂云云出北史

洛那國人庶以上各相命召設會作樂以極懽娛

考

于闐國俗以是日肆筵設席拍手撥胡琴唱歌

洛那國故大宛國也設會作樂七月七日亦然出魏書

淮陽郡以是日種穀

泉其下流百里恒南陽縣有温

便登重種一年三熟出盛弘之荆州記

八仙聚

詩

今朝臘

書鴈百丈誰家上瀨船未將梅藥驚愁眼更取椒

花媚遠天明光起草人所羨肺病幾時朝日邊

寒輕市上山煙碧日滿樓前江霧黃負鹽出井此

溪女打鼓發船何郡郎新亭舉目風景切茂陵著

書消渴長春花不愁不爛熳楚客唯聽棹相將

即看燕子入山扉豈有黃鸝歷翠微短短桃花臨
水岸輕輕柳絮點人衣春來準擬開懷久老去親
知見面稀他日一杯難強進重嗟筋力故山連

十二月初一日作

工部

首路栗亭西尚想鳳凰村季冬携童稚辛苦赴蜀
門南登木皮嶺艱險不易論汗流被我體祈寒為
之暄遠岫爭輔佐千巖自崩奔始知五嶽外別有
他山尊仰干塞大明俯入裂厚坤再聞虎豹闐屨
跼風水昏高有廢閣道摧折如短轅下有冬青林

石上走長根西崖特秀發煥若靈芝繁潤聚金碧
氣清無沙土痕憶觀崑崙圖日繫玄圃存對此欲

何適默傷垂老魂

十二月二日工部自隴右赴劍南過木皮嶺作

二日

混元皇帝降于朝元閣 唐玄宗天寶七載十二月二日降于朝元閣改為降

聖閣山會要

宋真宗生以為承天節 初乾德五年五星如連珠聚于奎當魯分從鎮星辰

見東方占曰有德受慶大人奄有四方子孫蕃昌明年元德皇后李氏夢以裙承日有娠十二月二日生真宗於開封第赤光照室左足指有文成天字至道三年即位以生日為承天節群臣上壽于

崇德殿晏殊作承天節述聖賦
楊億作承天節頌出天中記

竇叅薨

叅字時中父審言叅習法令通政術性矜嚴強直加檢校司徒兼中書令諸使副元帥貞元十五年十二月二日薨於鎮廢朝五日群臣於廷英奉慰詔贈太師謚曰忠武出舊唐書

東坡與歐陽叔弼季默夜坐

哲宗元祐六年十二月二日夜坐記道人問真說時東坡年五十六出長公外紀

好道者登山

左慈聞江東有勾曲山齋戒三月而君授以神芝三種故好道者欲求神仙宜先齋戒

然出茅君傳
三月十八日亦
侯十二月二日登山茅君即授以要道得人洞門

列子遊勾曲山

太極真人東海青童等出翰墨大全

詩

長淮久無風放意弄清快今朝雪浪滿始覺平野

隘兩山控吾前吞吐久不暈孤舟繫桑本終夜舞

澎湃舟人更傳呼弱纜恃管蒯平生傲憂患久已

恬百恠鬼神欺吾窮戲我留一噫瓶中尚有酒信

命誰能戒

東坡十二月二日作莊子云大塊噫氣其名為風則今以噫言風矣

三日

唐德宗賜文武官綾袍

貞元八年玉海

元憲宗桓肅皇帝生

韓蒙哥睿宗拖雷之長子也十二月三日生時有黃忽谷

部知天象者言帝後必大貴故以蒙哥為名蒙哥華言長星也出元史

周瑜聚眾將曰吾非不欲盡忠報國奈天命絕何

汝等善事吳侯共成大事言畢而亡建安十五年十二月三日

卒壽三十六
出三國志

遣使祭貞石

肅宗上元十七年八月四日原州昌松縣馮池谷有石青質白文成字曰

太平天子五玉六王七王十鳳毛才子及七佛八

菩薩寺語原州奏聞上十二月初三日遣使祭之

昭然曆數惟永出五行志

文字

陸九淵命掃灑焚香宋陸九淵字子靜宛心典籍見於躬行十一月三日有疾

卒出左

北斗九極降道經

詩

从客見華髮孤權桐廬歸新月無朗照落日有餘

輝漁浦風水急龍山煙火微特驚沙上鴈一一背

南飛潘開歲暮初三日自桐廬歸錢塘晚泊漁浦作

窮冬月末兩三日半百年過六七時龍尾迤朝無

氣力牛頭參道有心期榮華物外終須悟老病傍

人豈得知猶被妻兒教漸退莫求致仕且分司

惟生一女終十二抵欠三年未六旬婚嫁累輕何
怕老饑寒心慣不憂貧紫泥丹筆皆經手赤紱金
章盡到身更擬踟躕覓何事不歸嵩洛作閒人

天戊申十二月三日詠懷

四日

唐高宗崩

崩于弘道元年十二月四日葬乾陵在京兆府奉天縣界出通考

宋真宗命石保吉賜契丹使宴射于上津園

景德元年

十二月四日賜宴自後使至賜宴以其始也出事物紀原

黃巢陷京師

廣明元年先黃巢攻潼關官軍大潰播掠西市唐僖宗夜自閱遠門出趨

駱谷十二月四日賊至昭應陷京師矣時巢衆累時為盜行在勝其富遇窮民於路而慰曉之曰

黃王為生靈不似汝家不惜汝輩但各安家業賊衆統投物遣人出舊唐書

衡山道士彌明舊與劉師服進士相識是夜抵其

居宿有校書郎侯喜能詩夜與劉說詩彌明在其

側貌極醜白鬚黑面長頸結喉又作楚語喜視之

若無人彌明忽軒衣張眉指鑪中石鼎謂喜曰子

云能詩能與我賦此乎即援筆題其首曰巧匠琢

山骨剗中事煎烹喜綴之曰外苞乾蘚文中有潛

浪驚彌明啞然笑曰子詩如是而已乎乃坐而高

吟曰龍頭縮苗蠢豕腹脹彭亨旨
在譏喜也侯劉相顧慚駭曰尊師
非常人也某等願為弟子彌明曰
何當出灰池無許離餅甕謬居鼎
鬲間長使水火爭形模婦女笑度
量兒童輕徒爾堅貞性不過升合
盛寧依暖熟葷不與寒涼并忽羅
翻溢愆實負任使誠陋質荷斟酌
狹裏愧提擎豈能煮仙藥但未污
羊羹區區徒自效瑣瑣安足呈難
比俎豆用不為手所撥願君勿朝
笑此物方施行吟畢即袖手踈肩
倚北牆坐謂二子曰吾聞口矣二
子大

懼皆起立牀下再拜而彌明鼻息
如雷鳴頃之彌明不見二子驚惋
自責若有失者仙傳拾遺亦
九壘土皇君上詣荅天奏九地得仙人名道經

五日

唐代宗以諸州府學博士改為文學品秩同叅軍

大曆十四年十二月五日漢郡國皆有文學掾則文學漢官也兩宗時顏真卿曰文學蓋復漢舊跡也出事物紀原

宋真宗宴尚書省五品諸軍都指揮使以上契丹使于崇德殿不舉樂以明德太后喪制故也

景德二年

時契丹初來賀承天節擇膳夫五人賞本國異
味就尚食局造食詔賜膳夫衣服銀帶器帛

宋高宗謂輔臣曰孔子作經經之祖左氏作傳史

之祖紹興六年
以上玉海

詩

八年十二月五日雪紛紛白樂天

六日

唐莊宗與皇后如張全義第全義大陳貢獻酒酣
皇后奏稱妾幼失父母見老者輒思之請父事全
義帝許之全義惶恐固辭再三彊之竟受皇后拜

復貢獻謝恩

同光二年十一月六日
趙鳳草書謝全義鳳密奏自古無

天下之母拜人臣為父者帝嘉其直然卒行之自
是后與全義日遣使往來問遺不絕出後唐紀

宋人田述古卒

述古字明之哲宗元符三年十月
二月六日卒享年七十蚤孤遊學

京師甫冠補太學生事安定胡先生為弟子勤孝
好問以鄉薦不中第嘆曰得失命也乃慨然發憤

隱居講誦二十餘年不復出哲宗嗣位搜訪遺逸
除襄州司法參軍述古曰老矣不任為吏出宋文

鑑

天倉開宜入山修道內景

詩

薄晚蓬山下直餘笑看六出點衣裾絮飛簾外無

表編

卷五

縈絆花落堦前不掃除松鬣垂身全類我竹頭搶地最憐渠短檠便可捐墻角剩有窓光映讀書

曾茶

山十二月六日大雪作

七日

宋哲宗生於宮中赤光照室及即位群臣請以十二月七日為興龍節表云夢日儲祥預席有開之慶奉符踐祚適丁利見之期上批荅曰赤斷錫符獲成洪緒冬成肅物用紀誕辰卿等對揚甲觀之祥願上興龍之節既以申盛禮於兩宮亦以同懽

心於萬國

哲宗諱煦神宗第六子母曰欽聖皇帝朱氏熙寧九年哲宗生出合璧事類

歐陽永叔王原叔二翰林韓子華吳長文二舍人

是日同過司馬君實舊廬值出不及見君實於是作詩詩曰枯竹為門扉不可容車騎况如鄭廣文無羶藉賓位窮冬月破七貴客聯玉轡傳騶肅里問下榻呼童稚問我何所往共留墻上字兒愚不知誰金章言照地既居卿大夫恨莫親帚篲星躔回已高麟趾寧復致戢戢鄰巷居相見竊自喟豈料瘦老翁能令賢達至昔時蓬蒿徑安有此盛事

十二月七日同
過出事文類聚

勃泥國以是日為歲節

以十二月七日為歲節地熱多風雨國人宴會鳴鼓

欠笛擊鉞歌舞為樂無器血以竹編貝多葉為器
盛食食訖棄之王所居室覆以貝多葉民舍覆以
草其地無麥有麻稻無蠶用古貝花
織成布飲柳子酒出宋史外國傳

不宜水陸遠行凶

遵生八牋

夜犯掠剽大夫降惡病死

三元延壽圖

詩

天風浙浙飛玉沙
詔恩歸沐休早衙
遙知清虛堂裏雪
正似蒼筤林中花
出門自笑無所詣
呼酒持

勸惟君家踏冰凌
競戰疲馬扣門剝
豕驚寒鴉羨

君五字入詩律欲與六出爭
天葩頭風已倩檄手

愈背癢恰得仙瓜肥
銀餅瀉油浮蟻酒
紫盃鋪栗

盤龍茶幅巾起作鵲鴒舞
疊鼓誰慘漁陽搥
九衝

燈火雜夢寐十年聚
散空咨嗟明朝握手殿門外

共看銀闕瞰朝霞

十二月七日興龍節侍宴前一

國小飲清虛堂定國出詩皆佳子由又言昔與孫
巨源同過定國感念存沒悲嘆父之夜歸各賦一

定國以示

八日

唐德宗臘八日畋於苑中止其多殺行三驅之禮

貞元十一
年通考

唐敬宗獵還宮與中官劉克明田務成許文端打

毬軍將蘇佐明王嘉憲石定寬等二十八人飲酒

帝方酣入室更衣殿上燭忽滅克明等同謀害帝

即時殂于室內時年十八寶曆二年十二月
八月舊唐書

宋哲宗本七日生為與龍節群臣復請以八日為

興龍節不以先一日者以避僖祖忌故後一日天中

記

宋太宗因數年以來冬無雪至是日雪深尺餘上

喜賜近臣宴於中書詔令盡醉上賦詩親以八分

書遣中使就宴所賜之淳化二年
出玉海

宋太祖謚孔子曰至聖建隆五年十二月
八日出會要

民間用各色米豆果實合而煮之謂之臘八粥無

不食者宣撫
鎮志

東京作浴佛會以諸果品煮粥謂之臘八粥出風
土記

據山堂肆考南方專用臘月八日浴佛宋朝東京
十二月八日都城諸大寺作浴佛會並造七寶

五味粥謂
之臘八粥

佛臘月八日降伏六師投佛請死

投佛請死言佛以法水洗我心

垢則設浴之事西域舊俗亦今臘月灌佛之始出俗緣記亦出事物紀原

沐浴轉除罪障

荆楚歲時記

八日佛道成據經佛初成道于泥蓮池故北人以

是日灌木佛像歲時雜記僧家以乳葷胡桃百合

等造七寶粥亦謂之鹹粥供佛及僧道檀越

天中記

佛圖澄卒

澄姓白氏西域人身八尺姿甚美少出家晉永嘉四年適洛陽念神呪使鬼神

見千里外事如面又聽鈴音知一切興亡休咎事不爽至穆帝永和四年十二月朔八日卒石虎殮

澄以杖鉢內之棺中定于臨漳西紫陌之地澄死之日有見于流沙虎疑其不死開棺視之惟杖鉢

存空棺中澄左脅乳旁有一孔約大四寸通徹腹內時以絮塞之夜欲讀書輒拔出其絮則一室洞明又齋日至水邊引腸滌之而已而復納于中後謂弟子法祚曰戊申禍亂將萌已酉石氏當戒吾及未亂當先化矣石氏即石勒出高僧傳

詩

臘月風和意已春時因散策過吾隣草煙漠漠柴門裏斗跡重重野水濱多病所須惟藥物差科未動是閒人今朝佛粥更相餽更覺江村節物新

陸放

翁十二月八日步至西村作

石壁開金像香山繞鐵圍下生彌勒見迴向一心

歸松竹禪庭古樓臺世界稀夕嵐增氣色餘照發
光輝講席邀談柄泉堂施浴衣願承功德水從此

濯塵機孟浩然十二月八日於剡縣石城寺作

九日

唐高祖幸涇陽之華池校獵武德五年十二月九日校獵謂群臣四今

日畋樂乎蘓世長進曰不滿十旬未為樂也出通典

唐高祖以武功宮改為慶善宮武德九年九月九日改為慶善至

貞觀六年九月太宗幸慶善宮宴從臣於謂濱上賦詩云指麾八荒定懷柔萬國夷單于陪武帳日

逐衛文挽端宸朝四岳無為任百司共樂還譙宴歡此大風詩云云出會要

宋太宗大雪詔近臣及中書令各賦詩上製瑞雪

歌賜之端拱二年

宋英宗召輔臣觀御篆孝嚴殿額于迎陽門遂御

延和殿賜茶治平元年

僧神光大兩雪堅立不動善提達磨祖師者南天竺國香玉第三子也

僧神光者十二月九日夜大雪何事光悲淚曰惟願積雪過膝祖師曰汝父立雪何事光悲淚曰惟願

慈悲開甘露門廣度庸品祖師曰宜可以小德小

左臂置於祖師前祖師曰諸佛最

詩

掛帆望煙渚整棹別津亭風水已云便我行安得
 停離樽枉群賢濁醪愧先傾談笑不知遠但覺江
 流清獵獵甘蔗洲茫茫白沙汀斯須復回首祇有
 遙山青野色一似暝月光晶孤明中流漾華目極
 浦涵踈星酒酣客散歸茫然獨宵征起視天宇濶
 此身一浮萍難追五湖遊未願三閭醒且詠招隱
 作孤舟轉鈴璚朱文公十二月九日與諸賢同舟乘風頃刻千里江空月明飲酒甚
樂分韻
得星字
 十日

宋太祖出元化門校獵

建隆二年出玉海

程全進孝經解命為大學職事

宋高宗紹興十年十二月十日出玉

海

夏侯威得疾

朱建平沛國人也善相術效驗非一相夏侯威曰君四十九位為州牧而

當有厄後夏侯威為兗州刺史年四十九十二月
 初十日得疾念建平之言自必死後三十日病
 差設酒以待賓曰明日年便五十三或不死
 也威罷客之後夜半卒出三國志魏書

萼綠華仙人降現

翰墨大全

詩

十莢堯冀開翠羽一番潘貌蒸紅頰

事文類聚

十一日

宋真宗是日親饗廟將祀汾陰

祥符三年通考

宋高宗是日諭輔臣曰劉光世喜書前日來乞朕

所臨蘭亭敘亦以一本賜之因論書法甚詳及法

帖曰其間甚有可議如古帝王帖中有漢章帝千

文千文是梁周典嗣所作何緣章帝書之舉此一

事其它可知豈不誤後學者

玉海結

田布會諸將復議興師

田布弘正第三子始弘正為田季安禪將鎮臨清布

年尚幼知季安身世必危密白其父帥其所鎮之衆歸朝弘正甚奇之後弘正移鎮成德軍以布為

河陽三城懷節度使父子俱擁節旄同日拜命布

以衛軍三萬餘討賊結壘於南宮縣之南時史憲

誠陰有異志而衛軍驕侈怯於格戰又屬雪寒糧

餉不給以此愈無鬪志憲從而間之布還魏州

十二月十一日會諸將復議興師而將卒益侶布

以憲誠離間度象終不為用即日密表陳軍情畧

曰臣觀衆意終負國恩臣既無功不敢忘死出舊唐書

張洵卒

朝奉郎尚書司封員外郎張洵以皇祐二

有嘉張君質靜寬徐進非所好人用稱譽視利在

前躡循弗趨退施一州用智之餘喜其英矣次有

詩

隆寒徙季月初沐履浹辰

事文類聚

十二日

穆宗入海日故是日忌離家

讓國皇帝穆宗親兄不為太后所愛故穆

越次而讓皇不肯臣穆宗遂造舡入海不知其處入海時留語四句刻于玉碑上云小山壓大山大

山全無氣蓋見本邦人將身投化外國人以十二月十二日入海也故是日忌離家出白孔六帖

安祿山為河北河東採訪使舉范陽之兵詣闕陷

東都祿山十二月十二日陷東都顏杲卿忠誠感發恐危宗社時從弟真卿為平原太守初聞

祿山逆謀陰養死士為拒賊之計至是告杲卿相與起義兵犄角斷賊歸路出舊唐書

鷓鴣起鷓鴣正月飛後巢中不復起十二月十日

王晨大道君登玉霄琳房四顧天下太素三元君

朝真謂之百福日道經

十三日

唐代宗生于上陽宮

代宗肅宗長子開元十四年十二月十三日生於東都上

陽宮初名俶年十五封廣平王玄宗諸孫百餘上為嫡皇孫宇量弘深寬而能斷喜懼不行于色仁

孝溫恭動必由禮幼而好學尤專禮易玄宗鍾愛之舊唐書

宋真宗命喬希顏等巡鋪

太宗雍熙二年詔貢士禮部引試分差官廊下

巡鋪勿容私和教授至真宗景德四年十二月十日命希顏等巡鋪自此巡鋪遂為定制出宋朝

要會

宋高宗是日施謬上行都賦

建炎十七年出玉海

安德王延宗受勅守并州 延宗幼為文宣所養年十二置腹上令溺已臍

中抱之曰可憐止有此一箇問欲作何王對曰欲作衝天王文宣問楊愔愔曰天下無此郡名願使

于安德於是封安德馬後延宗敗前在鄴廳事見兩日相連置以十二月十三日晡時受勅守并州

明日建尊號不問日而被圍經宿至食時而敗年號德昌好事者言其得二日云出北齊書

黃巢以是日僭位國號大齊年稱金統仍御樓宣

赦且陳符命曰唐帝知朕起義改元廣明以文字

言之唐已無天分矣唐去丑口而安黃天意令黃

在唐下乃黃家日月也土德在金予以金王宜改

年為金統 巢賊十二月十三日僭位巢曹州冤句人本以販鹽為事乾符中歲荒為盜出

舊唐書

唐時戴可師是日圍賊於都梁山下賊已就降而

可師自恃兵強不為備賊將王弘立者將兵數萬

人捷徑赴救奔突而前官軍潰亂遂為所敗可師

並監使將校已下咸沒於陣 出紀亂

天帝遊東井

天元太乙朝元 以上道經

十四日

宋真宗召近臣至龍圖閣閱書又幸資政殿作詩

命即席皆賦

祥符五年玉海

海陵嫡母徒單氏生

徒單氏宗幹之正室也徒單無子次室李氏生長子鄭王

充次室大氏生三子長即海陵也徒單氏遇下有恩大氏事之甚謹相得懽甚天德四年海陵遷中都獨留徒單於上京徒單嘗憂懼每中使至必易衣以俟命大氏在中都嘗思念徒單謂海陵曰永壽宮待吾母子甚厚慎勿忘也十二月十四日生海陵使秘書監往上京上壽後大氏病篤恨不得一見臨終謂海陵曰汝以我之故不令永壽宮借來中都我死必迎致之事永壽宮當如事我出金史

詩

南溪得雪真無價走馬來看及未消獨自披榛尋

履迹最先犯曉過朱橋誰憐破屋眠無處坐覺村
饑語不囂惟有暮鴉知客意驚飛千片落寒條

十二月十四日夜微雪往南溪小酌

十五日

隋煬帝是夜通漢鎮北有赤氣

袁克宇德符性好道術頗解占候隋

煬帝大業六年遷內史舍人從征遼東拜朝請大夫秘書少監其後天下亂盜賊並起帝不自安充以天文上表曰去年十一月二十日夜有流星赤如火從東北向西南落賊帥盧明月營破其撞車至十二月十五日夜通漢鎮北有赤氣突厥將亡之應也帝大悅帝每欲征討克皆預知之出隋書
王文殊思父北望長悲
父文殊字令章吳興故鄣人

身蔬食不衣象服麻緼而已吳興太守謝聘為功
曹不就每於十二月十五日未嘗不北望長悲如
此三十餘年後太守孔琇之表
其行政所居為孝行里出齊書

占城國風俗城外縛木為塔王及人民以衣物香

藥置塔上焚之以祭天

占城國在中國之西南風俗以十二月十五日祭天

人有疾病旋采生藥服食地不產茶亦不知醞釀
之法止飲椰子酒食檳榔刑禁亦設枷鎖小過以
四人拽伏於地藤杖鞭之二人
左右更互樵朴出宋史外國傳

張繼先入見徽宗徽宗曰澥池水溢民罹其害故

召卿治之命下即書鐵符令弟子祝永祐同中官

投澥池頃雷雨晝暝有蛟虺死於水上

繼先字嘉聞號脩然

子此三十一代天師也宋徽宗崇寧二年澥州奏鹽
池水溢上以問道士徐神翁對曰蛟虺為害宜宣
張天師命有司聘之十二月十五日天師入見
即書鐵符投澥池後奏鹽課復常出史纂左編

西斗星降

道經

詩

閏曆先春破臘寒綵花金勝寵千官冰從太液池
邊動柳向靈和殿裏看瑞氣因風飄禁仗暖暉依
日上仙盤須知聖運隨生殖萬國年年共此懽

宋郊

十二月十五日
立春禁中作

十六日

武則天封嵩山為神嶽通天元年出武后傳

玄宗是日親征祿山使太子監國制書云今親總

六師率眾百萬鋪敦元惡巡撫洛陽天寶十四載出唐曆亦出

幸蜀記

唐太宗問子孫長久之道蕭瑀對以封建上然之

始議封建貞觀二年十二月十六日出會要

元順帝至正年是日用白黑羊毛為線帝后及太

子自頂至手足皆用羊毛線纏繫之生於寢殿蒙

古巫覡念咒語奉銀槽貯火置米糠于其中沃以

酥油以其煙薰帝之身斷所繫毛線納諸槽內又

以紅帛長數寸帝手裂碎之唾之者三併投火中

即解所服衣帽付巫覡謂之脫舊災迎新福元史

外夷南詔以是日為星迴節登避風臺命清平官

賦詩畧曰避風善闡臺極目見藤越國名忽爾古與

今依然煙與月自我居震旦謂天子為震旦翊衛賴稷契

不覺歲云暮感極星迴節元昶謂朕為元昶同一心

子孫堪貽厥彼國謂詞臣曰清平官出王谿編

天竺國以是日為臘臘則麥熟西域諸國志

詩

臘月初飛二莢冀祥開崧岳慶生申

事文類聚

十七日

孝宗詔太上皇帝聖壽無疆新歲七十以十二月

十七日立春行慶壽禮是日早文武百僚並簪花

赴文德殿立班聽宣慶壽赦

隆興二年出宋史

孝宗詔西湖係放生池不得採捕

淳熙十三年玉海

太微玄清左夫人與太元夫人降曲勾金壇

道經

詩

憑高遊目快遐瞻落日孤雲與水兼萬頃澤空供

雪意一枝梅笑破冬嚴擎蒼未減飛揚與引滿何

辭斗石添楊柳催春蕪警客荒溝照影弄纖纖

從今羞復立功名鹵莽因循已半生心遣我愚應

有謂眼看人智亦何成夢為蝴蝶因觀化目送飛

鴻謾寄情堪笑妻兒懷土甚謫期未滿已流行

張宛

丘十二月十七日移病家居

燈燼不挑垂暗藥香爐重撥尚餘熏清風欲起雅

翻樹缺月初升犬吠雲閉眼此心新活計隨身孤

影舊知聞雷州別乘應危坐跨海清光與子分東坡

十二月十七日夜
坐達曉守子由

十八日

宋咸上注周易十卷詔褒諭仁宗至和元年玉海

老君降

北斗降以上道經亦
載翰墨大全

十九日

唐高宗親饗廟通考總
章元年

宋太祖始獵于近郊賜宰臣至諸軍都校錦袍帝

親御弧矢中兔三從官稱賀建隆二年玉海

黃潛善由右僕射拜左相宋高宗建炎六年宋濂集

黃山谷發鄂渚山谷作承天院塔記朝廷謂其幸
災謗國以崇寧癸未二年自鄂謫

宜州十二月十九日
發鄂渚宋濂集

蘇東坡於宋仁宗景祐二年是日生至元符三年

東坡因誕辰置酒赤壁磯下倨高峯俯鵲巢酒酣

笛聲起於江上客有郭尤二生頗知音謂東坡曰

笛聲有新意非俗工也使人問之則進士李委聞

東坡生日作一曲曰鶴南飛以獻呼之使前則青

巾紫裘腰笛而已既奏新笛又快作數聲嘹然有
穿雲裂石之聲坐客皆飲滿醉倒委袖出佳紙一
幅曰吾無求於公得一絕句足矣坡笑而從之詩
曰山頭孤鶴向南飛載我南遊到九疑下界何人
也吟笛可憐時復犯龜茲

詩話亦出長公外紀

詩

與公同丙子三萬六千日

東坡十二月十九日贈長蘆長老

二十日

秘書監胡旦是日上唐乘七十卷五代史畧四十

二卷演聖通論七十二卷將帥要畧五十三卷仁

宗詔以旦子彤為監簿

天聖五年出玉海

迎什入關

鳩摩羅什天竺人善經律其人德智符堅以呂光伐龜茲載至中國姚秦弘

始三年十二月二十日迎什入關待以國師禮優寵之出高僧傳

沐浴去灾

雲笈七籤

天河相交行道犯之促壽

三元延壽書

詩

季冬兩十鷄鳴初僚吏造府如雲趨綉軸捧星香
擁爐共慶此日生真儒

事文類聚

二十一日

仁宗詔正旦日食自是日不御前殿減常膳

嘉祐四年

出玉海

理宗淳熙五年太史奏來歲正旦日食詔以十二

月二十一日避正殿減膳命有司講行厥政凡可

以消弭災變者直言無隱

出山堂肆考

太宗御丹鳳樓觀醮召侍臣賜飲自樓前至朱雀

門張樂又集開封府諸縣及諸軍樂人列於御街

音樂雜發觀者溢道縱士庶遊觀遷市肆百貨於

道之左右召畿甸耆老列坐樓下賜之酒食賜群

臣宴於尚書省仍作詩以賜

雍熙元年十二月詔曰王者賜醮推恩與

衆共樂所以表昇平之盛事契億兆之懽心累朝以來此事久廢二十一日御丹鳳樓出宋史禮志

挾膚有青昔之兆

段思平有異兆蒙主楊于貞忌之使人索捕思平逃匿饑摘野

桃剖之核膚有文曰青昔思平拆之曰青乃十二

月昔乃二十一日今楊氏政亂吾當以是日舉義

乎遂借兵軍至河尾是夕思平夢人斬其首又夢

玉瓶耳缺又夢鏡破懼不敢進兵其軍師董迦羅

曰三夢皆吉兆也公為大夫夫去首為天天子兆

也玉瓶去耳為王王者兆也鏡中有影如人有敵

乃決明旦遂引兵渡江逐楊氏而有三夢皆吉兆也思平

曰夫理時晉天

福二年出湏記

王晉卿致墨于東坡

元祐二年十二月二十一日

九九十餘品雜研之作數十字以觀其色之淺深若果佳當搏合為一品亦當為佳墨東坡昔在黃州隣近四五郡皆送酒東坡合置一器中東坡笑曰昔酒合一器中謂之雪堂義搏今又不為雪堂

義墨耶出長公外紀

諸天上真朝元日

道經

詩

春到梅稍許樣妍更經九日是新年曉來忽聽見

童語此夕人間誕女仙

事文類聚慶女人

二十二日

萬壽節

唐莊宗十二月二十二日出玉海

宋太祖崩于開寶九年太宗嗣位是日改為太平

興國元年

容齋續筆

宋太宗是日郊祀畢賜宰臣文武等宴于尚書省

帝作詩以賜其日晚又宣旨曰今日卿等宴會恐

未盡懽可更賜來日宴群臣獻歌詩賦頌者數十

人並付史館于是飲三日

雍熙元年玉海

戴洋謂劉胤曰十二月二十二日庚寅勿見客

戴洋

吳興長城人也好道術妙解占候小數洋往尋陽劉胤鎮尋陽胤問洋曰我病當差不洋曰不憂使

君不差憂使君今年有大厄使君年四十七行年
 入庚寅太公陰謀曰六年為白獸在上為客星在
 下為害氣年與命并必凶當忌十二月二十二日
 庚寅勿見客胤曰我當解職將還野中治病洋日
 使君當作江州不得解職及期為郭默所害據戴
 洋傳被害在十二月二十四日此出史纂左編

丹陽羽化胡璋徐紹祖等見瑞鶴蟠繞空際丹陽

三髻現于彩雲之上丹陽祖師弟子也十二月

王嘉生王嘉京兆咸陽人母感異夢而妊二十有

十二日師自幼不群及長貌雄偉美鬢髯個儻
 尚文好屬文才思敏捷至正隆四年師忽嘆曰孔
 子四十不惑孟子四十有八不動心予猶碌碌如此不
 亦愚乎年至四十四歲而過者皆唐純陽子呂仙
 翁之化身也師性以檢束時人目之曰宮風師受
 而不辭閑中謂狂者為言風正月四日已載玉嘉

事此日載王嘉之誕辰也王嘉號重陽子出史纂左編

馬鈺枕肱而逝將二鼓風雨大雷師東首枕肱而

逝索筆書頌云長年六十一在世無人識烈雷吼
 一聲浩浩隨風逸元至元六年贈丹陽抱一無為
 真人出左編援道書事在二月二十二日未
 月二十日未知道孰是俱錄

太平護國天尊降經藏

二十三日

宋徽宗宣和七年是日上御玉華閣召宰執吳敏

等對至日晡時決內禪之議擢吳敏為門下侍郎

草傳位詔是夕命太子入居禁中覆以御袍太子

俯伏感泣力辭

翌日又固辭不從乃即大位御垂拱殿見宰執百官時日有五色暈

扶珥赤黃色有重日相摩蕩久之乃隱是時金人入寇猖獗出史纂左編

畢誠卒

畢誠字存之鄆州須昌人也太和中進士擢第在相位以疾固辭十二月二十三日

卒誠謹厚長於文學尤精吏術出舊唐書

秦檜是日誕辰高宗詔曰省所奏辭免生日賜宴

朕聞聖賢之興必五百歲君臣之遇蓋亦千載夫

以不世之英值難逢之會則其始生之日可不為

天下慶乎式燕樂術所以示慶也非喬嶽之神無

以生申甫非宣王之能任賢無以致中興今日之

事不亦臣主俱榮哉宜服異恩無守冲節所請不

允

紹興十三年出宋史

五嶽之神下降人間

道經

詩

纔爭七日春來到梅吐南枝消息早

事文類聚

二十四日

玄宗親祀九宮神于東郊

天寶三載術士蘇嘉慶上言請於城東置九宮

神壇其年十二月二十四日親祀通考

晉安帝四黑龍登天

安帝元熙元年二十四日四黑龍登天傳曰冬龍見天子

亡社稷大人應天命之符金雌詩云大火有心水抱之悠悠百年是其時火宋之分野水宋之德也金雌詩又曰云出而兩漸欲舉短如之何乃相岨交哉亂也當何所惟有隱巖殖木黍西南之朋困相父兩云玄字也短者云昨短也巖隱不見惟應見山谷殖禾谷邊則聖諱炳明也易曰西南得朋故能困相父也劉向識曰上五盡寄致太平草付合成集群英前句則陛下小諱後句則太子諱也出宋書符瑞志

宋太宗幸講武臺

興國二年上將有事於晉陽習武事也明年遂平河東

宋徽宗賜太師蔡京以下赴睿謀殿宴景龍門觀

燈續有旨宣太傅王黼赴宴

以上玉海宣和六年

劉玄英降世

玄英號海蟾子初名操後得道改稱馬十二月二十四日降世十一月二

十七日上昇元至元六年褒贈海蟾明悟弘道貞君出全真傳

陰子方晨炊而竈神見子方再拜受慶家有黃羊

因以祀之自是已後暴至巨富

出後漢書酉陽雜俎云竈神名隗狀

如美女又曰姓張名單字子郭又曰名壤子

吳中以是夜祀竈神謂竈神翌日朝天白一歲事

故先一日禱之

風土記

楚俗以竹枝掃屋塵換爐火夜具酒果送竈神朝

帝楚

北人名為交年家家用餅糖酒果祀竈祈福

出宣撫鎮

志歲時記亦云交年節都人於
交年日以酒抹竈門謂醉司命

夜牀底點燈謂之照虛耗錄碎

雲南風俗祀祖如中州上塚之禮天下一

詩

古傳臘月二十四竈君朝天欲言事雲車風馬少
留連家有杯盤豐祀典豬頭爛熟雙魚鮮豆沙其
鬆粉餌圓男兒酌獻女兒避酌酒燒錢竈君喜婢
子鬪爭君莫聞猫犬觸穢君莫嗔送君醉飽登天
門孟長杓短勿復云乞取利市歸來分范至能十

竈詞四日祭

二十五日

奏到之日唐高祖武德五年二月朔太子與劉黑

官軍至館陶黑闥敗走至十二月二十五日奏到
之日也黑闥臨刑嘆曰我幸在家鉏菜為高雅賢
輩所誤至此舊唐書

吳中煮赤豆作糜暮夜闔家同享云能避瘟氣雖
遠出未歸者亦留貯口分至襁褓小兒及僮僕皆

預荆楚歲時記又共工氏有不才之子以冬至死
為疫鬼畏赤小豆故冬至日作赤豆粥以禳之

尹喜邀老君歸其家曰某蠢愚不知所問願請益
老君曰子欲修身養性行道紀形結氣成神終始
無窮者莫先以靜故天靜以為定神靜以為變人
靜以為生將靜之時反聽內觀心不妄念口不妄
言形不妄動子欲靜神先沐浴齋戒然後精煉已
身乃可入室或丹蛇來者子心或王母來降或道
身應見此皆身中之神試子爾但勿驚怖

尹喜得老君秘

再拜稽首辭疾去官十一月二十五日邀老君歸其家云云出史纂左編

三清玉帝司會之日

道經

詩

酖顏玉盃捧纖纖亂點餘花唾碧衫歌咽水雲凝
靜院夢驚松雪落空巖

空花落盡酒傾缸日上山融雪漲江紅煖淺甌新

火活龍團小碾鬪晴窓

十二月二十五日大雪始晴東坡夢人以雪水烹小團茶使美人歌夢中作回文詩覺而記其一句云亂點餘花唾碧衫意用飛燕唾花故事也後續之絕為二

家家臘月二十五浙米如珠和豆煮大杓籩鐺分
口數疫鬼聞香走無處鏡薑屑桂澆蔗糖滑甘無

比勝黃梁全家團樂罷晚飯在遠行人亦留分祿

中孩子疆教嘗餘波徧霑獲與臧新元叶氣調玉

燭天行已過來萬福物無疵癘年穀熟長向臘殘

分豆粥

宋范至能古詩
載於山堂肆考

二十六日

太白犯填星于斗占曰天子失土

大明二年十二月二十六日出

南齊書

天樞軍德博州天降紅雪盡血雨

宋仁宗慶曆三年十二月二十

六日出
五行志

宋仁宗命楊繪為集賢校理

嘉祐三年楊繪獻書
意詩旨春秋辯要十

二月二十六日命為
集賢校理出會要

宰相王旦誕辰真宗詔賜羊三十口酒五十壺米

麵各二十斛祥符五年詔賜宋史

二十七日

宋真宗命王旦為兗州太極觀奉上寶冊使趙安

仁副之

真宗天禧元年十二月奉寶冊仙衣于文
德殿迺齋于天安殿後室四鼓帝詣天安

殿酌獻天書畢大駕赴玉清昭應宮袞冕升大初
殿奉用訖奠玉帛薦饌三獻飲福登歌二舞望燎

如祀昊天上帝儀分遣攝殿中監上紫微大帝絳
紗袍七元輔弼真君紅綃衣翊聖保德真君卓袍

用表編

卷十一

十一

帝改服鞞袍詣寶符閣焚香群臣詣集禧殿門表
賀帝又服表冕詣天興殿奉上聖祖天尊大帝冊
寶仙衣畢改服詣保寧閣焚香還宮命諸州設羅
天大醮先建道場至二十七日命王旦為兗州太
極觀奉上册寶冊使趙安
仁副之出宋史禮志

東坡夜夢數吏人持絺請祭春牛文東坡取筆疾
書其上云三陽既至庶草將興爰出土牛以成農
事衣被丹青之好本出泥塗成毀須臾之間誰為
喜愠吏微笑曰此兩句復富有怒者傍出一吏云
不妨不妨此是喚醒他

東坡夢於神宗元豐六年
十二月二十七日時在黃
州年四十七
出長公外紀

詩

道人曉出南屏山南試點茶三昧手忽驚午盞兔
毛斑打作春壘鷺兒酒天台蒞花世不見玉川風
腋今安有先生有意續茶經會使老謙名不朽

謙師妙於茶事自云得之於心應之於手非可以
言傳學到者十二月二十七日聞東坡遊落星寺
遠來設茶東
坡作詩贈芝

鴻湯舊得茶三昧覓句近窺詩一斑清夜漫漫因

搜攪齋腸那得許堅頑

二十八日

東坡十二月二十
七日重贈老謙

日有戴氣太史奏君德至於天為萬民愛戴則有

是瑞 淳熙六年宋孝宗於是議蠲稅玉海

唐睿宗立春御宣政殿命太常卿于休烈讀時令

乾元元年十二月二十八日立春玉海

蜀後主王衍國滅 蜀後主王衍於老君殿中列唐

拜唐乃歸命之先兆也先是司天監胡秀材進曆移閏正月近臣曰宜用唐國閏月也因改閏十二月

月街衢賣曆者云只有一月也是年十二月二十八日國滅北夢瑣言

管輅字公明是日吏部尚書何宴請之鄧颺在宴

許晏謂輅曰聞君著文神妙試為作一卦知位當

至三公不又問夢見青蠅數十頭來在鼻上驅之

不肯去此何故輅曰願君上追文王六爻之旨下

思尼父彖象之義然後三公可决青蠅可驅也颺

曰此老生之常譚輅答曰夫老生者見不生常譚

者見不譚晏曰過歲更當相見 十二月二十八日

還邑舍其以此言語勇氏勇氏責輅言太切至輅

日與死人語何所畏耶勇氏大怒謂輅狂悖歲朝

西北大風塵埃蔽天十餘日聞颺晏皆誅然後舅

氏乃服輅容貌粗醜無威儀而嗜酒飲食言戲不

擇非類故人多愛之

而不敬出管輅傳

修迎新齋 內景

太上老君降伏九十六種邪魔

藏經

詩

百日歸期恰及春餘年樂事最關身出門便旋風
吹面去馬聯翩鵲卓人却對酒盃渾是夢試拈詩
筆已如神此災何必深追咎竊祿從來豈有因
平生文字為吾累此去聲名不厭低塞上縱歸他
日馬城東不鬪少年鷄休官彭澤貧無酒隱几維
摩病有妻堪笑睢陽老後事為予投檄向江西

東坡

十二月二十八日
部員外郎黃州團練副使校水

二十九日

太白蝕月

璞上疏曰去年十二月二十九日太白蝕月者屬坎辟陰之府所以昭察幽

情以佐太陽精者也太白金行之星而來犯之天
意若曰刑理失中自壞其所以為法者也臣術學
庸近不練內事占卦所及敢不盡言是時陰陽錯
繆刑獄繁興郭璞字景純河東聞喜人有郭公者
客居河東精於卜筮璞徒之受業公以青囊中書
九卷與之自是遂洞五行天文卜筮之術禳災轉
禍雖京房管輅不能過
帝見而嘉之出郭璞傳

後周太祖親饗廟

廣順三年通考

唐太宗從太上皇閱武於城西而還置酒未央宮

貞觀八年
年玉海

日

卷

五

唐玄宗有龍見於池敕太常韋縉草祭儀縉奏牲
用少牢樂用鍾鼓奏姑洗歌南宮

開元十八年十二月二十九日

龍見于池玉海

宋徽宗詔景龍門預為元夕之具特賜公師宰執

以下宴御製詩四韻賜太師蔡京

政和三年玉海

陳師道卒

師道字無已號后山彭城人以建中清

除官得一正字在元符三年庚辰冬其除官之日
有詩詩曰扶老趨嚴台徐行及聖時端能幾字正
敢恨十年遲肯著金根誤寧辭乳媪
譏向來憂畏凶不盡鹿門期出遺編

華嚴菩薩生辰

藏經

詩

東去長安萬里餘故人那惜一行書玉關西望堪

腸斷况復明朝是歲除

岑參十二月二十日玉關寄長安友

三十日

漢文帝二年是日日食帝謂群臣曰人主不德則

天示之灾以戒不治朕不能治育群生上以累三

光之明不德大矣其悉思朕之過失及知見之所

不及以告朕

山堂肆考

日窮于次月窮于紀星回于天數將幾終歲且更

始

日月其除

送寒迎春

以上六帖

三百六旬之盡七十二候之窮

荆楚歲時記

漢武於歲除狩河間見清光自地屬天望氣者曰下有貴子上求之見一女子在空室中姿色殊絕兩手皆奉數百人擘之不舒上次披即舒弄拳夫人即鈎弋也後人因效之為藏鈎之戲

漢武故事

唐真觀初天下又安時屬除夜太宗盛飾宮掖明

設燈燭盛奏樂歌乃延蕭后觀之后曰隋主淫侈

每除夜殿前諸院設火山數十藝沉香木根每一

山焚沉香數車火光暗則以甲煎沃之焰起數丈

香聞數十里

紀聞又出外史

唐景隆二年中宗敕中書門下與學士諸王駙馬

除夕入閣守歲設庭燎置酒奏樂酒酣上謂御史

大夫竇從一曰聞卿久無伉儷朕甚憂之今夕歲

除為卿成禮從一但唯唯拜謝俄而內侍引燭籠

步障金縷羅扇自西廊而上扇後有人衣禮衣花

釵令與從一對坐上命從一誦却扇詩數首扇却

去花易服而出徐視之乃皇后老乳母王氏也上

謂侍臣大笑詔封莒國夫人嫁為從一妻俗謂乳

每謁見及進表狀自稱翊聖皇后阿翁時人謂之

國翁從一欣然有自負之色故唐人成婚之夕有

催粧却扇詩李商隱代董秀才却扇詩云莫將畫

扇出帷來遮掩春山滯上才若道團圓是明月此

中順放桂花

開出唐紀

吳越王錢鏐嘗於除夜命諸子及諸孫鼓胡琴一

再行遽止之曰人將以我為長夜之飲九國志又

考

歲除大儺選中黃門子弟十歲以上十二歲以下

百二十人為侏子皆赤幘皂衣執靴而行出東漢

禮樂志儺逐鬼疫也陰陽之氣不節厲鬼從而為

禍故天子使方相氏黃金為四目熊皮為帽口作

儺儺之聲以驅鬼疫薛綜注侏子善童

歲除太常卿領官屬樂吏併護童侏子千人晚入

內至夜於寢殿前儺鳩燎沉檀熒煌如晝其夕賞

賜甚多南部新書

前歲一日擊鼓驅疫癘之鬼謂之逐除亦曰儺呂氏

春秋

歲除日儺皆作鬼神狀二老人名為儺翁儺母

李綽

秦冲歲時記

吳越錢俶傳佐卒弟侔以次立歲除盡工獻鍾馗擊鬼圖上胡進思見之大悟知侔將殺已是夕擁兵廢侔迎俶立之

西方深山中有一丈餘人見之則病寒熱名曰山獠人每以竹着火中燂爇有聲則山鬼驚遁故今除夕爆竹是其遺意

神異經

李畋隣人仲叟家為山魃

音肖獨鬼

所崇叟求報謝

而妖彌盛畋謂曰公除夕於庭中爆竹數十竿剋然其言妖止

吳聞錄

爆竹之儺人家各於門首燃薪滿盆貧富皆爾謂

之相煖熱

吳中風土記

吳俗村落以禿帚麻蘆竹枝等燃火炬縛於長竿之杪以照田爛然遍野以祈縑穀

山堂肆考

有商人過清湖見清洪君君以一婢名如願許之商有所求悉能致之後除夕將旦如願晚起商人捷之走入糞堆不見今吳俗除夜將晚鷄鳴婢獲

持杖擊糞壤致詞以致市利謂之打灰堆

歲時記亦出山

堂肆考

吳俗分歲罷小兒繞街呼叫云賣汝癡賣汝𪗇世傳吳人多𪗇故兒輩諱之欲賣其餘范至能有賣癡𪗇詞除夕更闌人不睡厭襍鈍滯迎新歲小兒呼叫走長街云有癡𪗇召人買工物於人誰獨無就中吳儂仍有餘巷南巷北賣不得相逢大笑相柳揄櫟翁塊坐重簷下獨要買添令問價兒云翁買不須錢奉賒癡𪗇千百年

柳揄兩手相笑也除夜謂之分歲出山堂

肆考

賈島常以歲除取一年所得詩稿祭以酒醑曰勞

吾精神以是補之

金門歲節記

裴度除夜嘆老至晚不寐爐中焚商陸火凡數添

唐書

洪矩吳時作廬陵郡載土船頭歸除日矩指船頭

云無物載土耳

宣城記

昔有人居草菴中每歲除夕遺問里藥一貼令囊浸井中至元日取水置於酒尊名曰屠蘇合家飲

之不瘟疫

山堂肆考

都下寺院每用歲除鍛磨是日作鍛磨齋

僧園逸記

都人除夜請僧道看經備酒果送神帖竈馬於竈

上以酒糟抹竈門曰醉司命夜於竈裏點燈謂之

照虛耗

夢華錄

除夜祭先竣事長幼聚飲祝頌而散謂之分歲

風土記

記

蜀風俗晚歲相餽問謂之餽歲酒食相邀為別歲

除夕達旦不眠謂之守歲

蘇軾云

歲除家家具有較謂宿歲之儲以迎新年相聚酣

飲留宿歲飯至新年則棄之街衢以為去故納新

云

晉博士張亮議曰臘接也祭宜在新故交接也俗

謂臘之明日為初歲

白孔六帖

洛陽人家除夜以銅刀刻門埋小兒硯點水盆燈

山堂肆考

臘日以後叟媪各隨其儕為藏驅分二曹以較勝

負即藏鈞也

風土記

廣寧真君上升却大通號廣寧子道而志不苦勵
長真玉陽二師激勸之至岐山遇異人授以金丹
口訣為政名號修行遁魏間道戎脫化出道書

詩

旅館寒燈獨不眠客心何事轉悽然故鄉今夜思

千里霜鬢明朝又一年高適

金吾除夜進儺名畫袴朱衣四隊行院院燒燈如

白日沉香火裏坐吹笙王建

病眼少眠非守歲老心多感又臨春火銷燈盡天

明後便是平頭六十人白居易

事關休戚已成空萬里相思一夜中愁到曉鷄聲

絕後又將憔悴見春風來鵠

緹室重飛玉瑄灰物華全為斗杓回依依殘臘無

情別歷歷新春滿眼來司馬光

漏箭更籌日夜催萬牛不挽白駒回梅花雪片歲

除盡萱草柳芽春將來曾吉甫

比量舊歲聊堪喜流轉殊方又可驚明日岳陽樓

上去島煙湖霧看春生陳去非

暮景斜芳殿年華麗綺宮寒辭去冬雪暖帶入春

風階馥舒梅素盤花卷燭紅共懽新故歲迎送一
宵中

歲陰窮暮紀獻節啓新芳冬盡今朝但年開明日
長冰消出鏡水梅散入風香對飲歡經夜傾壺待

曙光

以上唐太宗守歲

今歲今宵盡明年明日催寒隨一夜去春逐五更
來氣色空中改容顏暗裏摧風光人不覺已着後

園梅

王諲

遠客襄陽郡來過海伴家罇開栢葉酒燈發九枝

花妙曲逢盧女高才得孟嘉東山行樂意非是競

繁華

張子容除夜樂城逢孟浩然

守歲阿戎家椒盤已頌花盞簪喧櫪馬列炬散林
鷗四十明朝過飛騰暮景斜誰能更拘束爛醉是

生涯

杜工部

歲序已云殫春心不自安聊開栢葉酒試薦五辛
盤金薄圍神鷲朱衣印鬼丸梅花應可折惜為雪

中看

庾肩吾

猶殘一夜臘併見兩年春物以終為始人從故得

新迎春朝剪綵守歲夜傾銀恩賜隨佳節無功祇

自塵王介甫除日立春

歲晚身何托燈前客未空半生憂患裏一夢有無
中髮短愁催白顏衰酒借紅我歌君起舞潦倒客

相同陳師道除夜對酒贈少章

乾坤空落落歲月去堂堂末路驚風雨窮邊飽雪

霜命隨年欲盡身與世俱忘無復屠蘇夢挑燈夜

未央文天祥除夜

一尊聊有天涯憶百歲翻然醉裏眠酒醒燈前猶

是客夢回江北已經年佳時流落真何得勝事蹉

跎只可憐惟有到家寒食在春風因泛瀨溪船王安石

石除夜寄弟

日涉編卷之十二終

日涉編跋後

古稱三不朽立言居一豈非以士
生斯世即不能乘運邁期豎撐拄
昭洗之業退而獨坐蓬室作蠹魚
萬卷中驅穎役煙用抒其昂藏鬱
紆之襟令海內具眼者不謂深山
窮谷無人亦罍腹一快顧談何容

易德之與言常載位以出者也苟
無其位即德侷顏冉言瑀游夏脛
翼不具鳥自而留四方矧

昭代以科制限士士非此途一幸往
徃腸耿筍厨祇抱其音以效卞氏
之泣談何容易歲在庚戌余自戶
曹出守天水適

直指徐公奉

簡書按部莅茲出叨處宇下間從二
三大夫後得被容按融融然不啻
坐煦景中及秉三尺從事則豺虎
喙息鳥鼠震搖而又時出其緒餘
以校士啓蒙黻窠文風為之丕變
余私切歎羨以為古稱三不朽公

寔兼之又自維公德在

朝野功在兩河無俟揚詡獨其著作
雖鐫自坊間而未窺其全廣之以
惠多士守者責也暇日以為請公
則自道曰予何足述予友陳君分
李之斗夢江之花其學自天文地
理以暨陰陽醫卜圖緯術數之微

靡不淹綜若求一齋之膏則有日
涉之編在盍壽諸梓金受而卒業
則見其歲扶二酉輸廣五車有類
聚之博而芟其俗允有肆考之核
而厭其偶駢幽奇似類林而彼繫
事以類不若此繫事以日者一見
灼如指掌詳明近芳鑑而彼僅備

生人之百歲不若此賅載一歲之
月日則舉百千歲以上按圖一索
統不出其幅幘疇昔備員兩都時
獲從三楚鄉材遊耳中曾有陳君
名何幸乎今日知其人讀其書哉
因歎陳君固有德有言之士第名
未挂仕版交遊不出鄉國無論此
編弗刊即刊矣播紳學士安從編
觀今徐公名動華夷交遊盡一世
豪傑他日刊竣人贈一帙將非久
不但三楚有陳君天下有陳君已
徐公以一人備三不朽之盛事固
奇又分其優以成陳君之不朽則
又奇且公著作溢篋尚未及刊而

先及陳君此其意念殆與古嫁前
令女者無二豈非更奇在昔君家
伯玉馳走京轂不為人知乃輦千
緡市一胡琴期于衆曰明日集宣
陽里奏之至期觀者如堵伯玉碎
之而分贈以詩文百軸由是一日
之內聲華溢都今陳君不損一緡

而異日獲贈者當不止百軸胡琴
亦安所用之徐公又言陳君家世
閥閱其尊人亦博物君子也起制
科官刺史厭薄簿書輒解綬歸以
著書見志種甚富有歸雲全集行
世說者謂有陶彭澤風而文采過
之君少負至性豪宕不羈耻濡首

帖括語彙。獵一第為華。遂確意
撰述。秋蒐。潛探以成。茲編。半生精
力。幾殫。于是。廼為時制所局。弗獲
一售。以早其傳。予居恒。噫惜焉。余
對曰。是固然。藉令天愛其道。蚤年
以一售。畀陳君。陳君方日汨。長
安。淄塵中。其胡能。逃蒐。潛探以成。


茲編乃天地間可無是書否耶。然
則陳君雖斬一售乎。所得于造物
者多矣。遂既付之。殺青而復跋其
後。

賜進士第。中憲大夫。陝西鞏昌府知
府。前戶部員外郎。晉人。張雲翼頓
首書。

三十七年十一月十九日得于海上此書曰庫列入存目係

內府藏本康熙二十七年庚午昌知府文生紀元重刊本也

此為原刊黃棉紙原裝諸家藏目俱未見亦可珍異矣



歸來檢書錄下是記著袁



馬樂堂



黃裳跡藏
希書印記



